



"Nabroj šest (stvari) pred Sudnji dan: moju smrt, oslobođanje Jerusalema, smrt koja će vas zahvatiti poput ovčije kuge, izobilje imetka, tako da kad čovjek dobije sto dinara, i dalje će biti srdit. Zatim će se pojaviti tolika smutnja da nijedna arapska kuća neće ostati na nju imuna, a potom primirje između vas i Bizantinaca."

Prenosi se od 'Avfa b. Malika, radijallahu 'anhu, da kaže: "Došao sam Vjerovjesniku, sallallahu 'alejhi ve sellem, prilikom pohoda na Tebuk; bio je u velikom šatoru od kože i tada mi reče: "Nabroj šest (stvari) pred Sudnji dan: moju smrt, oslobođanje Jerusalema, pomor koji će vas zahvatiti poput ovčije kuge, izobilje imetka, tako da kad čovjek dobije sto dinara, i dalje će biti srdit. Zatim će se pojaviti tolika smutnja da nijedna arapska kuća neće ostati na nju imuna, a potom primirje između vas i Bizantinaca, ali će oni iznevjeriti i poći na vas sa osamdeset zastava; pod svakom zastavom dvanaest hiljada."

[Vjerodostojan] [Hadis bilježi imam Buhari]

Auf b. Malik, radijallahu 'anhu, je došao kod Poslanika, sallallahu 'alejhi ve sellem, za vrijeme bitke na Tebuku, dok je on bio u kožnom šatoru. Tada mu je Poslanik, sallallahu 'alejhi ve sellem, kazao: "Broji šest predznaka koji će se desiti prije Sudnjeg dana: moja smrt, zatim oslobođenje Jerusalima (Bejtul-Makdis)...", što se dogodilo u vrijeme halife Omara, radijallahu 'anhu, "zatim bolest koja će se među vama raširiti, tako da će veliki broj ljudi umrijeti velikom brzinom, kao što se zaraza raširi među ovcama pa pomru. Nakon toga će se pojaviti mnoštvo imetka, tako da kada se čovjeku dadne stotinu dinara, on će se naljutiti, jer će to smatrati malim i nedovoljnim. Kaže se da se ovo mnoštvo pojavilo u doba halife Osmana, radijallahu 'anhu, kada su bila mnoga osvajanja. Zatim će se desiti velika smutnja koja će ući u svaku arapsku kuću. Kaže se da se ovdje misli na ubistvo Osmana, kao i smutnje koje će doći nakon toga. Poslije će biti primirje između muslimana i Bizantinaca, pa će oni prekršiti ugovor i prevariti muslimane, te će doći da se protiv njih bore pod osamdeset zastava i bajraka, a ispod svakog bajraka biće dvanaest hiljada boraca. Ukopan broj će ih biti devetsto šezdeset hiljada.

النّجّات الخيريّة
ALNAJAT CHARITY

